



UNIVERSITÄTS-
BIBLIOTHEK
PADERBORN

Universitätsbibliothek Paderborn

Bona Volvntas Optimæ Consentiens. Seu De Sequendo In Omnibus Ductu Providentiæ Diviniæ

Foullon, Jean E.

Leodii, 1657

X. Genus alterum.

[urn:nbn:de:hbz:466:1-54992](https://nbn-resolving.org/urn:nbn:de:hbz:466:1-54992)

refecabitur, ut flammis pabulum fiat: & homines tam insanè & impudenter impatientes, sicut oves in inferno ponentur, mors depascet eos.

x.

*Genus
alterum.*

Alterum impatientium genus, Deo quidem parcat, at non sibi: id est adversus Providentiam divinam directò non pugnat, sed indirectè, & per suum ipsorum latus. Isti simul infortunium haud expectatum incurrere, attoniti hærent, velut quos fulmen percussit: mox projecto animo, depositâ omni de Deo fiducia, à solitis pietatis exercitiis cessant. Quibus optimè Bernardus suum illud, epistolæ 256. ad Eugenium Papam, accinuerit: *Numquid ideò debet homo facere quod non debet, quia Deus facit quod vult?* Pejori loco erunt, & ad primum impatientium genus accedent, si, ut calamitates exeant, ad malas artes confugient, nec tantùm bona debita omittent, sed etiam mala vetita committent. Eum in modum Saül, ingruentium hostium metu percitus, posteaquam responsum à Deo nec per sacrificia, nec per vaticinia,

nec

nec per somnia signave accepit, ad pytho-
nissam consulendam profectus est. Ita
Judæi, ab Assyriis sibi metuentes, ad um-
bram Ægypti, vetante nequidquam Deo,
refugerunt, & ut biberent aquam flumi-
nis, dereliquerunt venam aquarum viven-
tium Dominum.

xi.
Tertium. Frequentiores multò sunt impa-
tientes tertii gradus: qui nec Deū
apertè impetunt, nec semetipsos tam
crassè lædunt, sed de rebus, temporibús-
ve, cum indignatione conqueruntur.
Immeritò tamen, cum scire debeant, res
omnes ac tempora, Providentiæ divinæ
famulari: & noctes ac dies, frigus & æsta-
tem, creata quælibet magna ac pusilla,
benedicere Domino, quia faciunt verbum
ejus. Obmurmurabat aliquando Maria
Diazia, in Vita P. Baltassaris Alvarez, de
frigoris hiberni inclementia: cum illicò
vocem intùs monentis audiit: ego frigus
istud feci, tu de illo, quasi nimium esset,
submurmuras? Ad eam classem perti-
nent, qui opere, itinere, consilio, ex sen-
tentia non succedente, bilem in animalia